

Դ .

Այս աստղնւորիս վըրայ սիրու տէրն ունի մեծ պալայ.
Մօլլան երբ գտըվան կուտայ, սիրու տէրն քան զուռ կու դողայ:
Մօլլայ՛, գեմ հերիք կանչես, գիտացաք որ կու լուսանայ.
Երթամ աղաչեմ զԱստուած որ զիմ ցաւս ի քեզ փոխենայ:

Ե .

Եկին ու խապար բերին թէ ելեր քո եարն ու կուգայ.
Եկէք մենք ի դեմ երթանք, որ նորա սիրտըն չիմնայ.
Պագնենք զիր կարմիր երեսն, որ աշխարհըս չէ գին նորա.
Առնունք զիր ոտից փոշին որ աչերս քաշենք թուրթայ:

Զ .

Ըզգգած բամպակն ո՞վ տեսել՝ զարեգակն երեսք ի վերայ,
Զլուսինն ալ ի ծոցն առեր ու կղպել զկոճակն ի վերայ:
.....
.....

ՀԻՆԳԵՐՈՐԴ ՏԱՂԱՇԱՐՔ

Ա .

Տեսայ զիմ հոգոյս հոգին, զարդարած, ու կ'երթար ի ժամ.
Ես ալ ի դեմիկն ելայ. «Ո՞ր կ'երթաս, քո ժամն է հարամ.
Թէ դու զիս խապուլ անես, քեզ համար կանգնիմ ես ի ժամ,
Աղօթք 'ւ աղաչանք անեմ՝ ինչ որ քո ծոցուդ տիրանամ:

Բ .

Քո ծոցդ է տիրոջ մառան, քո ծըծերդ է սաղմոսարան.
Երթամ հաբեղայ լինամ եւ գամ ի քո ծոցըդ կենամ.
Այնչափ այբուբեն ասեմ՝ ինչ որ քո սիրուդ տիրանամ:

Գ .

Ես ձագ ծիծեռնիկ պիտ'ի, զօրն ըզքո տունըն մտնուի,
Ան բարձրը մօյտան չարտախոյ ես ի հոն բուն մը շինեի.
Ոնց որ մութըն մութանար, ցածնայի ծոցըդ մտնուի.
Ոնց որ լուսըն լուսանար, բարձրնայի բունըս մտնուի:
Ես շարէ շապիկ պիտ'ի, զօրն ի բուն անձըդ կենայի,